

## ԿՐՕՆԱԳԻՏԱԿԱՆ

Տ. ՆԵՐՍԵՏ ԱՔԵՂԱ ԽԱԼԱԹՅԱՆ

ՊԱՏՄԱԿԱՆ ՎԱՐԿԱԾՆԵՐ ՀՈՒՓՄԻՄՅԱՆՑ  
ԿՈՒՅՄԵՐԻ ՎԿԱՅԱԲԱՆՈՒԹՅԱՆ ՎԵՐԱԲԵՐՅԱԼ

Հռիփսիմյանց կույսերի մասին պատմագրական յուրաքանչյուր տեղեկություն գիտական արժեք ունի, որի շնորհիվ պարզվում է կույսերի պատմության ընդհանուր պատկերը: Սակայն պակաս հետաքրքիր չեն նաեւ այն ուսումնասիրությունները, որոնք ինչ-որ չափով հակասում են կույսերի պատմական գոյությունը:

Օրմանյանը, խոսելով նահապարակ կույսերի մասին, որոշ կասկածանք է արտահայտում նրանց վերաբերող պատմական փաստերի եւ եղելությունների վերաբերյալ. «Որչափ ալ այս ասանդությունը ազգին մէջ փարածուած է, սակայն դիւրին չէ անոր ամեն պարագաները հաստատել, ոչ այնչափ պատմական փաստերու փկարութեան, որչափ եղելութեանց ներքին հանգամանքներու պարճառով: Որովհետեւ ոչ Դիոկղետիանոս Հռոմ էր, եւ ոչ այդ կերպով ամուսնութիւն կրնար ընել, ոչ պարկերի վրայ ընտրութիւն կ'ըլլար, եւ ոչ ալ վերջապէս 70 կոյսերու բազմութիւն մը կրնար ապահովութեամբ այդչափ ընդարձակ ու դարձուդարձ ուղեւորութիւն մը կատարել»<sup>1</sup>:

Ղ. Ալիշանը, խոսելով կույսերի մասին, ասում է. «...Որչափ ալ երկբայելի է Դիոկղետիանոսի սիրահարին ի պարկեր Հռիփսիմէի եւ խնդրելն, օտարք ալ պատմեն նման քան մի. այդ կայսեր ի կողմնա Յունաց եղած արեն՝ արեսնելն փաստերեք փարտան գեղեցիկ աղջիկ մի Ֆիլումենա անունով, խնդրել հարսնացընել իրեն եւ մերժելով՝ չարչարել եւ նահապարկել զնա: ԺԹ դարու սկզբան (1802թ.) Հռովմայ (Պրիսկիլեան) գեղնադամբարանաց մէջ գրնուեցան իր նշխարքն, հռչակուեցաւ անունն եւ պարիւն, քօնի ի 10 կամ 13 օգոստոսի ամսոյ»<sup>2</sup>:

Որոշ գիտնականներ իրոք փորձել են ի դեմս Հռիփսիմէի արեսնել դեռապի կույս Ֆիլումենային, առավել եւս, որ երկուսն էլ սերել են թագավորական տոհմից:

Ըստ ավանդության Ֆիլումենան Հունաստանի արքայի դուստրն էր: Ավանդությունը պատմում է, որ նրա ծնողները երկար փարիներ զավակ չեն ունեցել եւ ամեն անգամ զոհ մատուցելով՝ աղոթել են չաստվածներին զավակի համար: Օրերից մի օր նրանց պալատական քրիստոնյա բժիշկը՝ Պուբլիոսը, պատմում է թագավորին Քրիստոսի մասին եւ ասում, որ եթե նրանք մկրտվեն եւ աղոթեն իրական Աստծուն, ապա զավակ կունենան: Լսելով այդ մասին՝ թագավորն ու թագուհին մկրտվում են եւ աղոթում, որպեսզի Աստված նրանց զավակ պարգեւի: Մեկ փարի անց թագավորական ընտանիքում ծնվում է գեղեցիկ մի աղջիկ, որին անվանում են Լուսինա՝ այսինքն լույս: Հետագայում աղջկան սկսում են կոչել Ֆիլումենա («Լուսիս դուստր»), քանի որ աղջիկը ծնվել է Քրիստոսի հավաքքի լույսի փայլ:

1 Մաղաքիա արք. Օրմանեան, Ազգապատմ., հ. Ա, Ս. Էջմիածին, 2001, էջ 80:

2 Ն. Անունդ Ալիշան, Արշալոյս Քրիստոնեութեան Հայոց, Վենետիկ, 1902, էջ 103:

Ֆիլումենան մկրտվում է եւ առաջին անգամ հաղորդություն առնում, երբ բոլորում է հինգ փարեկանը: Նա մեծանում է քրիստոնեական հավաքի եւ բարեպաշտության ոգով եւ ստանում պալապական կրթություն:

Երբ Ֆիլումենան փասներեք փարեկան էր, Նոմի Դիոկղեփիանոս կայսրը պատերազմ է հայտարարում աղջկա հորը եւ անմիջապես պատերազմական գործողություններ սկսում նրա դեմ: Նասկանալով, որ իր թագավորությունը երկար չի կարող դիմակայել հռոմեական ահեղ ռազմական մեքենային, թագավորը որոշում է իր ընտանիքի հետ միասին գնալ կայսեր մոտ՝ անձամբ խնդրելու դադարեցնել պատերազմը եւ հաշտության պայմանագիր կնքել: Երբ թագավորն իր ընտանիքով մտնում է կայսեր մոտ, վերջինս, փեսնելով դեռափի աղջկա գեղեցկությունն ու անմեղությունը, չի կարողանում թաքցնել իր մոլեգնած ցանկությունն աղջկա նկատմամբ: Դիոկղեփիանոսը հավաստիացնում է արքային, որ կդադարեցնի պատերազմը եւ հաշտություն կկնքի նրա հետ, եթե վերջինս համաձայնի իր աղջկան՝ Ֆիլումենային հարսնացնել կայսեր հետ: Թագավորին ոչինչ չի մնում անելու, քան համաձայնել կայսեր առաջարկին: Բայց դեռափի աղջիկը հրաժարվում է՝ ասելով՝ «Աստված է իմ հայրը, եւ երկինքն էլ իմ մայրն է»: Երբ կայսրը լսում է աղջկա պատասխանը, զայրության լայնաբերան եւ հրամայում է նետել նրան զնդանը՝ ակնկալելով, որ այնպեղ նա կփոխի իր որոշումը: Ամեն օր կայսրը այցելում է Ֆիլումենային եւ ամեն անգամ մերժում ստանում: Երեսուներեցերորդ օրը կույսին երեսում է Ս. Աստվածածինը եւ պատգամում ամուր մնալ իր հավաքի մեջ՝ ասելով, որ ես երեք օրվա ընթացքում աղջիկը պիտի չարիքի դեմ պատերազմի եւ հաղթական պիտի դուրս գա: Ս. Աստվածածինը ասում է նաեւ, որ ինքը Գաբրիել հրեշտակապետի հետ միասին պիտի օգնի աղջկան: Երեք օր անց կայսրը հրամայում է աղջկա պարանոցից շրթա կտրել եւ նետել գետը: Սակայն բազմաթիվ վկաների աչքի առաջ Աստծո երկու հրեշտակներ փշրում են շրթաները՝ նետելով դրանք գետը, իսկ Ֆիլումենան աստվածային հրաշքով մնում է կենդանի: Ականափեսները փեսնում են, որ ջրի մեկ կաթիլ անգամ չի թրջում կույսի երիտասարդ մարմինը: Այս անգամ կայսրը հրամայում է նետերով սպանել Ֆիլումենային: Սակայն, երբ նետաձիգներն արձակում են նետերը, դրանք, հրաշքի օգնությամբ հասնելով դեռափի օրիորդի մարմնին, հանկարծ փոխում են իրենց ուղղությունն ու վերադառնում դեպի նետաձիգները՝ սպանելով վեց հոգու: Անհաջողություններից կարաղած կայսրն այս անգամ հրամայում է գլխատել կույսին եւ այսպիսով կարողանում է վերջնականապես նահապակել նրան:

Ֆիլումենայի նահապակության օրը համարվում է օգոստոսի փառք<sup>3</sup>, իսկ նահապակության թվականը փառանվում է 295-301 թթ. միջեւ, որը գրեթե համապատասխանում է Նոմի եւ հունական թագավորության միջեւ պատերազմի դադարի, ինչպես նաեւ Նոմիսիմե կույսի նահապակության թվականի հետ: Տարանվում են նաեւ նրանց նահապակության ամսաթվերը, ու օրերը: Նոմիսիմեի նահապակության ամսաթիվն ըստ Ագաթանգեղոսի, Նոմի ամսվա քսանվեցն է, այսինքն՝ հոկտեմբերի յոթը, իսկ Ֆիլումենայի նահապակության օրը համարվում է օգոստոսի փառք:

1802թ. մայիսի 25-ին Նոմի Պրիսկիլյան կոչված հին գեղնադամբարաններում կապարված պեղումների ժամանակ հայտնաբերվում է Ֆիլումենայի դամբարանը՝ ջրաշու-

3 [www.traditioninaction.org/SOD/a001St.Philumena8-10.htm](http://www.traditioninaction.org/SOD/a001St.Philumena8-10.htm). St.Philomena Filumena@TraditionInaction.org.

շանի, նեպերի եւ նեպաձիգների հարթաքանդակներով, որոնք պատկերում են կույսի նահապետության փեսարանները: Ֆիլոմենայի դամբարանի վերեւում գրված է *Lumena paxe comfi*, որը նշանակում է. «Թող խաղաղությունը քեզ հետ լինի, Լումենա»<sup>4</sup>:

Անշուշտ, ոմանց կողմից Ֆիլոմենայի եւ Հռիփսիմեի անձերի անուղղակի նույնացումը արդյունք է պատմական եւ անձնական որոշ նմանության: Թե՛ Հռիփսիմեի եւ թե՛ Ֆիլոմենայի պարագաներում նրանք նման են միմյանց հետեւյալ հատկանիշներով.

1. *Սերում են ազնվական կամ թագավորական ընտանիքից:*
2. *Երկուսի պարագայում էլ կայսրը ցանկանում է կնության առնել կույսին:*
3. *Դեռստի օրհորդական հասակում են:*
4. *Հոռմահպարակ են:*
5. *Քրիստոնյա են:*
6. *Մերժում են կայսեր առաջարկը:*
7. *Բանտարկվում են, եւ երկուսին էլ կայսրը այցելում է նրանց մտադրությունը հարցնելու նպատակով:*
8. *Երկուսի պարագայում էլ աստվածային միջամտություն եւ պաշտպանություն է փրկի ունենում:*
9. *Նրանց նահապետությունը կատարվում է մեկ - երկու ամիսների տարբերությամբ:*

Ինչքան էլ նման լինեն երկու կույսերի պատմությունները եւ ինչքան էլ որոշ պատմագետների երկերում վերոնշյալ պատմություններում կերպարների նույնացման միպում նկատվի, այնուամենայնիվ, փարակուսելի է նրանց պատմության նույնացման եւ պատմությունների աղավաղման հետեւանքով առաջացած անձերի շփոթության հարցը: Բնականաբար, հաշվի առնելով, որ Ֆիլոմենայի աճյունը հայտնաբերվել է Հռոմում՝ Պրիսկիլյան գերնադամբարանում, իսկ Հռիփսիմեինը՝ Հայաստանում, ինչպես նաեւ մի շարք այլ անհամաձայնություններ, պետք է ենթադրել, որ իրոք այդ պատմությունները մեկը մյուսի հետ որեւէ առնչություն չեն կարող ունենալ: Չնայած ավանդությունների որոշ նմանությանը՝ դեպքերի զարգացումներն ու նրանց հսկակ հաջորդականությունը առաջացնում են ժամանակային անհամաձայնություններ, որոնք չեն կարող առաջացած լինել պատմությունների կերպարանափոխությունների եւ դեպքերի ուռճացումների հետեւանքով:

Հռիփսիմեի վկայաբանությունից է մասամբ ազդված պարսկական նշանավոր «Հազար ու մի օրեր» վեպի մեջ Ripsima-ի պատմությունը: Ripsima-ն Temim անունով նշանավոր մի վաճառականի կին էր, որն ապրում էր Բասրայում: Նա խիստ ջերմեռանդ ու բարեպաշտ կին էր, սակայն իր գեղեցկության պարճառով երեք անգամ ենթարկվում է ծանր փորձությունների, բայց, առանց պատիվը կորցնելու, կրում է իր տանջանքներն ու դարավարպտությունը: Վերջում նկարագրվում է, թե ինչպես է պարզվում նրա անմեղությունը, որի պարճառով եւ արդարացվում է<sup>5</sup>:

4 [www.saint-philomena.com/background.html](http://www.saint-philomena.com/background.html)

5 Ն. Անդրյան, Հայոց անձնանունների բառարան, հ. Գ, Երեւան, 1946, էջ 102:

Հռիփսիմեի պարմությունը առկա է նաև ղպրիների մոտ: Նրանք նմանապիպ մի պարմության մեջ Հռիփսիմեին կոչում են Արփիսիմա<sup>6</sup>:

Գիպնականներից ոմանք, այդ թվում նաև Ա. Գուրշմիպը եւ Ն. Տաշյանը, կասկածի քակ են դրել Ագաթանգեղոսի պարմության որոշ դրվագներ եւ հապկապես Հռիփսիմյանց կույսերի վկայաբանության պարմական իրողությունն ու ճշմարտացիությունը:

Ագաթանգեղոսի պարմության մեջ նկարագրված կույսերի վկայաբանության պարմությունը Ն. Տաշյանը համարում է «կղզիացած» պարմություն: Ըստ նրա՝ այդ պարմության սկիզբն ու վերջը քրամաբանորեն չեն կապվում միմյանց հետ<sup>7</sup>: Հիմք ընդունելով որոշ պարմական քեղեկություններ ու որոշ եկեղեցական հնախոսական ավանդություններ՝ հեղինակը կասկածելի է համարում Դիոկղեփանոսի կողմից Հռիփսիմեին ամուսնության առաջարկ անելը, հապկապես, որ նա մինչ կայսր դառնալն արդեն ամուսնացած էր Պրիսկայի հետ<sup>8</sup>. «...Շաք միաբան չեն նաև Հռիփսիմեանց պարմութեան մանրամասն պարագայք - այսպես՝ թե Դիոկղեփանոս, որ արդեն ինքնակալ չեղած ամուսնացած էր Պրիսկայի հետ, կին խնդրած ըլլայ «ի քաղաքին հռոմեացոց» եւ այն բազմութիւն «կուսանաց արգելավանքի» մէջ ուր Հռիփսիմէն էր «ի թագաւորական քոհմէ»<sup>9</sup>:

Տաշյանը Ս. Հռիփսիմեի վկայաբանությունը փորձում է համեմարել նմանօրինակ պարմությունների հետ, որոնք թերեւս ինչ-որ չափով կարող էին շփոթմունքի պարմառ հանդիսանալ: Դարձյալ, հակվելով Ա. Գուրշմիդի կարծիքին, Տաշյանը կույսերի վկայաբանությունը համարում է «հավասար ոչինչ»-ի: Սակայն Գուրշմիդի քված Տրդափի եւ Նազենիկ հարճի մասին պարմության համեմատությունը համարում է անհավանական եւ սխալ մի շարք պարմական եւ քրամաբանական պարճառներով. «Լոկ Շուշանայ պարմութեան համեմատ ձուլած է սոյն կոյսին Հայաստանի մէջ ըրածներուն պարմութիւնը եւ այլ հանգամանքն զոր մի առ մի կրկնել աւելորդ կհամարիմք: Այս իսկ պարմառաւ Հռիփսիմեանց վկայաբանութեանց պարմական արժէքն «հաւասար ոչինչ է» ըստ Գուրշմիդի<sup>10</sup>, որ աւելի յառաջ երթալով կհամարձակի ըսել՝ թե Բագրատունի Տրդատայ եւ Նազինիկ հարճին վրայ պարմութեանը<sup>11</sup> հիմն է Հռիփսիմեայ պարմութեան: Բայց կարծենք դժուար է զայս ընդունիլ, մանաւանդ, որ հեթանոս Նազինիկան վրայ խորենացոյ պարմութեանը քրամաբանապիպապես հակառակ է Հռիփսիմեի քրոմած նկարագրին եւ անընդունելի է՝ որ այնպես կանուխ ժամանակաւ այնչափ փոփոխուէին աւանդութիւնք, մինչեւ վաղաքահամբաւ հարճ մը ճշդիւ զգաստ սրբութեան փոխուէր եւ պաշտուէր, մինչդեռ մեր նախնիք հեթանոսութեան ամենադոյզն հետքերը՝ հեթանոսական դիցազանց նախահատուց վրայ եղած աւանդութիւնքն իսկ անհետ ընել կը ճգնէին»<sup>12</sup>:

Թեպետ Տաշյանը հերքում է Տրդափի եւ Նազենիկ հարճի պարմության նույնացու-

6 Անդ:

7 Տե՛ս Ն. Տաշյան, Ագաթանգեղոս առ Գեորգայ եւ ուսումնասիրությունն առ Ագաթանգեղոս գրոյ, 1891, Վենետիկ, էջ 135:

8 Այսպեղ հարկ է նշել, որ Դիոկղեփանոսն իր իշխանության երկրորդ կեսից քեղափոխվում է Բյուզանդիոն եւ բնակվում այնպեղ: Ըստ որոշ աղբյուրների՝ նա Բյուզանդիոնը դարձնում է կայսրության մայրաքաղաք: Վերը նշված անհամաձայնությունների մեջ հեղինակները, ըստ երեւոյթին, հաշվի են առել նաև այս հանգամանքը:

9 Ն. Տաշյան, նշվ. աշխ., էջ 135:

10 Ն. Տաշյան, նշվ. աշխ., էջ 135:

11 Մովսէս Խորենացի, Հայոց Պարմություն, գլ. ԿԳ, Երևան, 1968, էջ 197 - 198:

12 Ն. Տաշյան, նշվ. աշխ., էջ 136:

մը Հռիփսիմե կույսի վկայաբանության հետ, սակայն, այնուամենայնիվ, կասկածի փակ է դնում Ս. Հռիփսիմե կույսի վկայաբանության պարմական իրողությունը: Նա ասում է, որ չնայած վկայաբանությունն ինքնին հեռու է ճշմարտությունից, սակայն չի կարելի պնդել, որ այնպեղ խալառ բացակայում է պարմական փարրը: Այսպես, օրինակ կույսերի վկայաբանության նմանօրինակ դեպք կարող էր պարահել Հայաստանում կամ Հայաստանի մերձավոր սահմաններում: Պարմությունը կարող էր ուռնացվել ու խեղաթյուրվել. «Այո՝ թէև Հռիփսիմեանց պարմութիւնը անվաւերական եւ կեղծ պարագաներով հիւստում է, բայց գոնեայ պարմական նշոյլքներ պակսելու չեն անշուշտ անոր մէջ:

Կարծենք դժուարութիւն մը չկայ ընդունելու, թէ կուսանք ոմանք Հայաստան փախած ըլլան նոյն հալածանաց առթիւ Ատորիքէն կամ թերեւս ի Փոքր Հայոց եւ կամ մերձաւոր քեղերէն, թեպէտ ոչ այնչափ բազմութեամբ վանական կուսանաց՝ որոնք եկած ըլլան ի Հռոմայ: «Ի հռոմոյ» եկած կուսանքն կրնային վրիպմամբ «ի Հռոմայ» փոխած համարուի: Անհաւարալի չէ թէ այս փախստեան պարճառն հալածանքն էր, եւ գիպենք ալ, որ Մաքսիմիոս Դայեայ յարեւելս եւ Մաքսենիոս ի Հռոմ՝ դարանակալ էին կուսանաց անմեղութեան»<sup>13</sup>:

Ն. Տաշյանը ենթադրում է, որ «ի Հռոմոյ»-ն սխալմամբ կարող էր գրվել «ի Հռոմայ» եւ այդպիսով մի խումբ կույսերի՝ Ատորիքից կամ Փոքր Հայքից փախած կամ եկած լինելու փոխարեն ենթադրվեր, որ եկել են Հռոմից:

Նմանօրինակ կարծիքի է հակված նաեւ Մաղաքիա արք. Օրմանյանը՝ համարելով, որ քրիստոնյա մի խումբ կույսեր Հայաստանի Մծբին քաղաքից կարող էին նման պարմության հանդիպել: Նեղինակը հնարավոր է համարում նաեւ, որ Հռիփսիմեանց կույսերի փոխարեն այլ կույսեր կարող էին եկած լինել Հոգվոց վանքից, եւ դրա հավանականությունը նա մեծ է համարում: Այս առիթով նա մասնավորապես ասում է. «...Ուրիշներ մտածեցին, թէ կրնան ասոնք եղած ըլլալ այն խումբ մը կույսեր որք Մծբինի վանքէն փախան, ինչպէս Ս. Փեբրոնէի վկայաբանութեան մէջ կը կարդացուի (Վրք. Զ. 81): Բայց այս մեկնութիւններէն հաւանակագոյն եւ ընտրելագոյն կը կարծենք ըսել, թէ առաքելական ժամանակէ սկսած Հոգւոց վանքի հայագգի կույսերէն էին, որք հալածանաց արեն բռնուած, եւ իբրեւ նշանատր անձեր մինչեւ թագաւորին արեանը հանուած են: Աւանդական պարմութեան մէջ ալ յարկապէս յիշուած է Տիրամօր պարկերին քեղը, իբրեւ կույսերուն օթարաններէն մէկը, որ է նոյնիսկ Հոգւոց վանքը (Խոր. 301): Բայց ինչ ալ ըլլայ Հռիփսիմեան կույսերուն ծագման մթութիւնը, այն չի կրնար անոնց իսկութեան եւ մարտիրոսութեան պարմութիւնը ջնջել»<sup>14</sup>:

1978 թվականին երջանկահիշատակ Վազգեն Ա Ամենայն Հայոց Կաթողիկոսի օրհնությանը Ս. Հռիփսիմե վանքում կարարված վերանորոգչական աշխատանքների ժամանակ հայրնաբերվեցին Ս. Հռիփսիմե կույսի նահապականից ընկերոսիներից շարքի աճյունները<sup>15</sup>: Վերջերս Մայր Աթոռի Գանձարան պահոցներում գտնվել է նաեւ Ս. Հռիփսիմե կույսի գանգոսկրից մի փոքրիկ մասունք, որը զետեղված է եղել արձանագրությունով մի արձաթյա մասնապուրի մեջ<sup>16</sup>:

13 Անդ, էջ 138, **Եւսեբիոս**, Վարք Կոստանդիանոսի, Ա, գլ. I.Դ:

14 **Մաղաքիա արք. Օրմանեան**, Ազգապատում, հ. Ա, Ս. Էջմիածին, 2001, էջ 81:

15 Այս մասին փնտրելով Մայր Աթոռի 30 ապրիլ 1978 թվականի հաղորդագրությունը /«Էջմիածին», մայիս, 1979, էջ 4-6/, նաև փնտրելով «Էջմիածին», 1979, ապրիլ, էջ 35-38:

16 Տես Մայր Աթոռ Սուրբ Էջմիածնի Գանձարան քարտադարանը /արձաթյա պահոց/:

Այսպիսի պատմական փաստարկները, կարծում ենք, վերջ դրեցին պատմագրության մեջ ծագած փարատեսակ ենթադրություններին, որոնք այս կամ այն չափով կասկածի փակ էին դնում կույսերի գոյության իրողությունը: Իսկ հաշվի առնելով, որ պատմության ընթացքում վանքերի վերանորոգության ժամանակ Ս. Նժիփսիմեի եւ Ս. Գայանեի մասունքները բազմիցս գտնվում եւ վերականգնվում էին մեր հայրապետների կողմից, ապա, իրոք, նրանց պատմական իրողության փաստը անառարկելի է դառնում: «Նժիփսիմեանց վկայութեան պատմութիւնը շատ խճճմանաց ենթարկուած է օտարներու կողմանէ, մինչեւ իսկ անոնց գոյութիւնը ուրանալու չափ: Սակայն անոնց ծագումին խնդիրը նահապատկութեան խնդիրէն զարկելով, այդ վերջին մասը իրեն համար հաստատուն փաստեր ունի ազգային նախնական եւ անընդհար աւանդութեան եւ ժամանակակից պատմութեան մէջ, եւ նոյն իսկ իրենց գերեզմաններուն եւ վկայարաններուն փաստովը»<sup>17</sup>:

Կույսերի վկայաբանության հեպ կապված զանազան հակասական փաստակերպերը, որոնք առաջացել են որոշ գիտնականների ուսումնասիրությունների արդյունքում, հնարավոր չէ դիտարկել եւ հասկանալ առանց կուսանաց պատմության սկզբնաղբյուրի, այսինքն՝ Ագաթանգեղոսի «Պատմութիւն Նայոց» աշխատության ուսումնասիրության: Թեպետ այս գործը մեր պատմագրության հնագույն եւ հայրնի աշխատություններից է, սակայն, միեւնոյն ժամանակ, փաստերի հավաստիության փաստակերպից ամենավիճելիներից է:

Սակայն, որքան էլ վիճարկելի լինի Ագաթանգեղոսի ինքնության եւ նրա ապրած ժամանակաշրջանի հարցը, եւ որքան էլ զանազան քննության ենթարկված լինի նրա պատմությունը, նա մնում է մեր պատմագրության հեղաքրքիր դեմքերից մեկը: Այդ շարքի մեջ բացառություն չի կազմում Ս. Նժիփսիմյանց եւ Ս. Գայանյանց վկայաբանությունը, որը գեղեցիկ եւ հուզական դրվագ է Ասործ վկայուհիների փարաբախտ կյանքից: Նրանք թեպետ ազգությամբ հայ չէին, բայց կարողացան հայանալ եւ սիրվել ոչ միայն մեր պատմիչներին, այլեւ հայ ժողովրդի կողմից: Նրանք դարձան կուսության, հնազանդության, հեզության ու մաքրության խորհրդանիշ: Իրենց հավատքի գոյությամբ եւ Ասորվածային սիրով նրանք դարձան մեր Եկեղեցու սկզբնավորման կայուն հիմնաքարերը:

17 Մաղաքիա արք. Օրմանեան, Ազգապատմութիւն, հ. Ա, էջ 82: